

第二冊

重訂外科正宗卷之四

宏道堂藏板

上部疽毒門

腦疽論第十六

夫腦疽者俗稱對口是也但所發不同其源有二得於濕熱交蒸從外感受者輕五臟蘊結從內發外者重其理何也濕熱之爲病天行氣候寒暑不調節序溫涼陰陽失度凡有體虛者易於侵襲項後雖屬督脉又主太陽寒水可行之道所有侵襲氣血必凝凝則後必爲腫此從外感受者其患初起有頭多生正穴三四口間多作焮痛始生寒熱口和而乾色紅根活瘡勢漸高形不散大時止時疼易膿易腐飲食知味起坐尋常外勢雖可畏而內無七惡之症相干此屬陽症其由從外來矣故多不治可愈所有五臟蘊結而成者重其源有五蓋心主血故心緒煩擾煽動不寧以致火旺

而沸騰行於項間與寒水交滯而爲腫者一也肝統筋故惱怒傷肝項乃三陽統筋之所肝傷則血脈不潮筋無榮養凝結爲腫故項緊急強痛不能轉側其患未潰前肉色紫暗堅硬漫腫破流血水木痛無膿此等之症皆肝氣受傷者二也肝主肌肉故思慮傷脾脾氣日損又或膏粱損胃汁乾枯以致中脘痞塞氣不運行逆於肉裏乃生壅腫其患外皮雖腐而內堅不潰口燥舌乾飲食不進根腳走散膿穢色敗此等之症皆脾氣受傷者三也肺主皮毛故憂鬱傷肺肺傷則毛竅閉塞腠理不通氣不舒暢縱橫經絡結而爲腫其形瘡多平陷色淡不華皮腐脂流形如湯潑氣羸短促面黧鼻掀碌碌生痰殷殷發嗽此等之症皆肺氣受傷者四也腎生骨髓故恣慾傷腎腎傷則真陰之氣敗矣真陰一敗相火自生此火最能自升自降或動或靜煎熬臟腑消爍津液更變形容改

換聲音瘡形紫黑脉數乖度煩躁口乾隨飲隨渴此等之症皆腎氣受傷者五也凡治此症必內分虛實外辨陰陽體順天時察其病理七日以前瘡勢未成者當通竅以汗發之七日已後病勢已成治當兼補以托之氣受傷毒多難出又

予嘗治此及諸發背初起未成者用披針當頂點入知痛處出其惡血通其瘡竅隨插蟾酥條直至瘡底外用膏蓋內服萬靈丹或蟾酥丸發其大汗解散內蘊之毒次日患上或腫或不腫或痛或不痛仍插仍貼直至患頂腫高根腳突起四圍列縫有膿方住插藥輕淺者九日後吐出病根堅硬不化之物毒甚者不能頓然脫落亦可漸腐成膿爲轉重就輕之良法外用至紅膏長肉內服補托收斂其患不久自愈如陽症輕淺者候自腐潰不用前法針刺

如不腫不疼灸亦不痛陰疽尤當速用不必遲延此爲移深居淺
之大法也

腦疽看法

初起頂高根活色紅皮薄作疼焮熱腫不開散者順凡成無論偏正
瘡形獻起疼痛發熱易膿易腐者順已潰膿稠肉色紅活瘀腐易脫
焮腫漸消痛減者順潰後腐脫新肉便生瘡口漸斂凝結痂膿作瘻
者順初生一點黃泡或似疔瘡不腫不疼自不知覺者逆已成不發
高腫亦不焮痛瘡頂軟陷根腳平散者逆已潰膿清肉色紫黑外皮
不腐內生臭穢不食者逆腐肉雖盡新肉不生瘡口散大軟陷無神
色敗者逆

腦疽治法

初起有頭或無頭大痛或不痛俱隔蒜灸兼服解毒已成堅硬發熱

炊痛口乾便秘者邪在內也宜泄之堅腫不痛發熱惡寒頭疼四肢拘急者兼發表攻裏腫硬日深形色紫黑外皮不腐內膿不潰宜行拔法腫強頭面炊熱口燥惡心嘔吐者邪在上也宜清之炊熱腫痛紅色光亮疼苦有時內膿脹痛者急開之將潰不潰微熱微紅不作腐潰者脾胃虛也宜補之潰後腐肉不脫膿水清稀腫痛仍作者當大養氣血大便多澹小便短濇自汗食少脉細身涼溫中健脾

腦疽治驗

男人項疽十餘日視其瘡勢頗甚根連左右耳項並腫紅赤炊熱脉浮而數先用黃連消毒散二服退其大勢根腳稍定後用托裏消毒散數服不覺腐潰但診脉浮無力詢知患者年過五旬久艱嗣息房中又有婢妾多人兼思慮勞慾太過損傷元氣故也又瘡形勢大止能起發不能培養爲膿更用十全大補湯加桔梗白芷

倍人參白朮各三錢外用桑木灸法早晚二次灸之又塗紫霞膏數日患者頭面俱腫雙目合縫形狀可畏然後腐潰並作膿出日至數升如此半月因前藥不勝其事內加煩躁不寧五心煩熱飲食漸少等症此謂膿水出多氣血走泄爲虛火假症之故雖變不妨隨用聖愈湯一服不應又進一服加熟附子二錢方應前症悉退次以人參養榮湯加麥冬五味參朮常倍至三錢調理月餘後至腦骨腐肉連髮片片脫下其狀狼狽不可觀瞻凡相視者無不點頭驚訝又恐腐潰深大補不及事每日粥食中用人參三錢凡食分入同煮食之以接補脾元後方元氣漸醒調理四月方愈彼後一年反生其子以承後祀也

監生項瘡初起請視瘡頭偏於右半不可輕待必用艾灸爲上隔蒜灸至十五壯知痛乃住後彼視爲小恙失用內藥又四日其瘡

復作頸腫項強紅紫木痛便秘脉實有力以內疎黃連湯加元明粉二錢通其大便次用消毒救苦湯二服腫勢仍甚此內毒外發也不可再消之換服托裏消毒散至延二十日因患者肥甚外肉多緊不作腐潰予欲行針闊放彼家堅執強阻豈後寢症一出煩悶昏慣人事不醒人驚悔隨用披針左右二邊併項之中各開一竅內有膿腐處翦割寸許頑肉放出內積瘀毒膿血不止碗許內服健脾胃養氣血托膿補虛之藥其膿似泉流不歇每朝夕藥與食中共參六七錢服至腐肉脫盡新肉已生又至四十日外患者方得漸甦始知人事問其前由逕不知其故也此患設若禁用針刀不加峻補豈有生乎因其子在庠見識道理從信予言未白日而愈也

一男子項瘡五六日就肆看視頭便黃色根亦平散予曰此當急治

方可彼面色不悅而去又請里中一醫視之乃曰小恙也因喜其說用藥又至五日外其瘡勢堅硬根腳開大毒氣已過兩肩流注前項胸乳皆腫嘔吐惡心寒熱不食瘡勢形色俱覺可畏始信前言復請予治其瘡形狀不可觀也此非藥力可及先用葱艾湯洗淨舊藥連煮藥筒拔提二處拔出瘀血碗餘隨用銀針斜斜插入根腳透通患底數去以蟾酥條插入孔內此最解毒爲膿總以膏蓋走散去以真君妙貼散敷之日漸日消其毒收歸後項原處又兼服內托降火化痰之藥三四日候其大勢已退內膿已通換服十全大補湯凡堅而不化者照之腐而不痛者取之新血生遲者培之如此調理將近三月方得完口平復此爲患者諱疾忌醫之過幾乎至於喪命者多矣

女人年過六旬係宦族素稟怯弱頃間患疽初起頭便如粟謂裏

可容谷之病也喜其形體不肥雖發之後必易於腐潰此則不妨
前說先用隔蒜灸之次用蠟酥餅貼灸上四邊以吸毒散敷之收
其根腳不散內服托裏消毒散數服瘡勢堅硬疼苦不止予日到
某日方止况今瘡不腐潰診其脉細數而無力此內虛之故不能
解毒爲膿以疼爲要豈可得止次換益氣養榮湯加角針白芷三
服腫亦漸起外用桑木灸法其堅漸軟膿出稠而不多前方去角
針白芷加香附倍用參芪又數服方得膿潰潰後痛亦不止予曰
再三日午後痛可止也至期腐肉將脫小半臨午用乳香定痛散
一服午後疼痛頓退安睡不醒患家欣悅予曰不然此在用藥適
其時也雖半月之言應於今刻惟信則不失耳後當某日腐盡某
日肌平某日完口此二者患家以墨繩記候期日果實並無過與
不及也此法要在眼力精巧量病難易新腐遲速補助有無用藥

合式然後相量日數可決於前發之必中也

婦壯年頃瘡三日其形徑對前口彼家相畏人胖不當瘡發此穴也予視頂高腳活雖發不妨彼欲內消之方安予曰藥消則不能針消則可取彼從之用拔針當頂針入六七分點至軟肉方住隨去瘀血又以蟾酥條插入孔內服蟾酥丸得大汗而解次日瘡止微膿出之漸消尤恐內毒未盡又用消毒清熱之藥數服不出十日而安大抵凡欲消瘡先斷根本次泄毒氣使毒自衰無得內攻爲妙

男子耳後生疽十餘日自謂小恙不治將近半月根腳漸大瘡頭惟流血水稀惡污穢四邊紫黑軟陷無膿面慘鼻揪手冷氣促診脈散大無根此內敗症也何必治之辭不用藥又延客醫治之因詢無事患者恨予不治凡遇親友勉力支持厲聲自囑決不甘死

予曰心不服死也再五日必死果然予嘗觀瘡但犯此症雖山岳之軀一敗無不傾倒

婦人正對口四五日自灸廿餘壯逕不知痛灸疤焦黑平塌如故診之脉微數而無力此內虛症也若假藥力則誤其事用披針當頂刺八寸許不知痛亦無血出此毒滯而未發揚者用蟾酥條插入針孔每日一次膏蓋其上下七日後周圍裂縫出膿內服純補之藥至十四日落出瘡根一塊指大長寸餘厚以玉紅膏平長肌肉又半月其口已平以珍珠散摻上卽刻生皮而愈此症設若不用針工專假藥力攻托雖不至死豈能得其速愈者哉

婦人四旬肥甚項瘡五六日視之內腫瘡不腫必竟生疑恐又兼口燥心煩堅硬色紫根腳散平六脉洪大此太過症也後必無膿相辭不治彼又請醫視之有言外托者又言內消者有稱年壯不

外科正宗卷之四
六
妨又說脉大易治衆人紛紛不定仍各用藥又至七八日前後胸
項俱腫木悶堅硬仍復請視決之予曰此不治者何也初起肉腫
瘡不腫頂陷者一也根腳平散真氣內敗不能收束毒氣二也口
燥心煩邪火內淫三也形色紫暗血死毒滯不作腐潰者四也六
脉洪大瘡毒大盛正氣受尅無以抵當故瘡終變軟陷邪毒內攻
而死者五也當備後事爲要此終於二十七朝前後足矣後果至
期而歿觀此言正順理之病可歎時人何爲紛紛妄治也

腦疽主治方

黃連救苦湯

黃連救苦葛升銀
羌活煎風共甘草

柴芍芎歸翹梗苓
腦疽煎服可安寧

治腦疽發鬚發頤及天行時毒初起憎寒壯熱頭面耳項俱腫服
之未成者屋消已成者自潰

黃連

升麻

葛根

柴胡

赤芍

川芎

歸尾

連翹

桔梗

黃芩

羌活

防風

金銀花

甘草節錢各

水二碗煎八分臨服入酒一杯食後服

解毒天漿散

解毒天漿石決明歸尾乳香翹草等

蚕甲羌防天花粉黃連銀花大黃行

治腦疽積毒日深堅腫木硬口燥舌乾惡心煩渴六脉沉實有力

大便閉結不通者並宜服之

石決明

研生姜蠶

川山甲炒防風

連翹

羌活

乳香

甘草

金銀花

黃連

歸尾

錢各一大黃錢三

天花粉

新鮮未晒者四兩百白內搗爛投水碗攪勻絞去渣用

右花粉淨汁一碗半同藥煎至八分入酒一杯空心熱服行過三

次方用飲食忌食煎炒發物

丙托千金散

丙托千金散芍芪參桂銀草天花粉

白芷芩歸防桔隨痛加乳沒効堪推

外科正宗

卷之四

七

治腦疽發背諸毒惡瘡已成不消者服之易潰

白芍 黃芪 川芎 當歸 防風 桔梗

天花粉 金銀花 人參各一錢 肉桂 白芷 甘草各五

乳香 沒藥二味痛甚加入

右水二碗煎八分臨服入酒一小杯食遠服

迴毒銀花散迴毒銀花散最奇 癰疽陰毒總堪醫 借問君家何等藥 銀花甘草協黃芪

治腦疽及諸發陰瘡不起色變紫黑者急服之

金銀花連枝葉 二兩 黃芪四兩 生切 甘草二兩 切

用紹酒二十兩同藥入小口砂罐內密封重湯內煮盡三香為度
取起瀘清服之蓋暖患上其瘡漸漸高腫此轉陰為陽吉矣後用
托藥潰膿如服後不痛不起瘡頭流出黑水此真陰不治

梅花五氣丹梅花五氣丹輕粉 加上雄黃併血竭 乳沒辰砂麝片酥 此方原自出仙都

治腦疽發背諸般疔腫初起寒熱交作筋骨疼痛有似傷風惡心嘔吐但未成膿者並宜服之

梅花水片五當門麝分五輕粉

辰砂各六分乳香 沒藥

瓜兒竭

明雄黃各一錢

真酥散

預於端午前尋之至午日取酥二錢用頭男乳調膏

右前藥各研極細對準分數於端午日辰時製度候至午時將上藥九味和入蟾酥膏內向日丸之如茄子大一時內曬乾用川椒二十七粒燈心二十七段同藥收於磁罐內養之以蠟封口不泄藥氣為妙凡遇惡瘡大毒開罌取出一枚先用美饌食飽次用無根水漱淨口內再含水一口少頃待溫用葱白五寸同水嚼爛嚥下隨將藥餅安放舌下睡於暖處以被覆蓋藥化苦水徐徐嚥之瘡勢大者二三餅亦可藥盡其汗即到如淋諸病若失如冬月天寒難汗噉後將葱白湯催之亦妙凡治無有不效如暗疔人所不

知覺及知覺而失治者毒氣人裏人便昏沉一中便倒不能依法服藥急用連鬚葱白七個煎酒一盃研藥五餅灌下藥氣到心其功如湯潑雪患者即便甦醒此為外科第十奇方也

小保安湯

小保安湯芎歸薑人參甘桔兼白朮

黃芪麥冬陳芩夏薑棗同煎病洲伸

治腦疽諸發已潰流膿時平常服之庶不更變

當歸

茯苓

川芎

黃芪

麥冬

陳皮

桔梗

人參

白朮錢

半夏

甘草

藿香錢五

薑三片棗二枚水二茶鍾煎八分食遠服

大保安湯

大保安湯水附歸黃芪山藥門冬草

參苓芎芍桂丹皮五味山英熟地宜

治腦項諸發癰疽惡瘡大毒已潰之後膿水出多氣血虛弱精神

短少飲食少思坐臥不寧煩燥不眠晝則安靜夜則發熱及虛陽

煩渴等症